

KANUNUPE --- Kalaallit Nunaanni Nunaqarfimmiut Peqatigiiffiat

”Nunaqarfinni sullissineq”

Ulluinnarni” Nunaqarfimmiunerup” ersiutaasa ilagaat allatut ajornartumik sullissinissamik isumaqatigiissuteqarluni sullinneqarneq

Tunngaviatigut tamanna tupinnartuliaanngilaq tassami takorlooruminaatsorujussuummat, suliffeqarfiit assigiinngitsut tamarmik nunaqarfinni sullissivinnik ingerlataqarnissaat, tupinnanngitsumillu suliffeqarfik ataasiunerusoq aqqutigalugu nunaqarfimmiunik sullinneqarnissamik isumaqatigiissuteqarfigineqartarpoq, taasalu Pilersuisoq A/S

Taamatut isumaqatigiittoqartillugu annerusumik akuersisartuusut akornanni tusaaniarneqartanngilagut isumaqatigiissut qanoq isumaqarfigineripput, taamaallaat allagarsiivikkut, aqqutillu allat atorlugit sullinneqartussaasugut ilisimatinneqartarpungut

Nunarput angeqimmat soorunami sumi najugaqarneq apeqqutaatillugu isumaqatigiissutit atuutsinneqaarsinnaasarput, kisiannili tunngaviatigut suliffeqarfiit angisuut assigiimmik isumaqatigiissuteqartarlutik

Assersuutit piviusut uku ulluinnarni Nunaqarfimmiuusugut atugaraagut:

Nunaqarfinni Pilersuisoq A/S-ip allaffiini Grønlandsbanken sullinneqarpoq, Bankimit sullinneqarnermi tingusinerit tamaasa 20kr-imik akiliuteqartarpugut, konto-mut ikisiniarutta 20kr-mik akiliuteqartarpugut pinerit tamaasa, taakku saniatigut inummut allamut ikisissagutta 40kr-neqarpoq, kontokorti puigorsimagutsigu 50 kr kiisalu konto assilineri anillatsinneqarpat 38kr, tassa assersuutigalugu Nunaqarfimmioq 100 kr-mik tingusiniaruni, kortinilu puigorsimaguniuk taava 30 kr-ni kisiat tingussavaa sinneri akitsuutit tingussammatigut, tamanna akisuallaaqaq aqqinneqartariaqarlunilu. Tassa qularnanngitsumik ukiumut ataatsimut annertoorujussuarmik nunaqarfimmioq akitsuuterpassuarnut aningaasaajartarpoq, aap soorunami atortorissaarutitigut imminut kiffartuunneq aammattaaq periarfissaasoq ilisimavarput, kisiannili pissutsit ullumikkut atuuttut eqqarsaatigalugit kikkut tamarmik atuisuusinnaanerat killeqarpoq, taakkuusarpullu utoqqaanerusut annertuumik akitsuutitigut eqqorneqartartut

Assersuutip aappaa Royal Arctic Bygdeservice-ip sullissinera Nunaqarfimmiunut imaappoq:

Nassiussarsisussaq Nunaqarfimmiuuppat taava nassiussarsiassai umiarsuarmut najugaqarfignisaanukartumut aatsaat ikineqassapput umiarsuaq aallannginnerani siumut akileqqaarneqarpata, tassa tingusisussamut akiligassaagaluarpataluunniit , maannakkut aatsaat siumut akileqqaarlugit umiarsuarmut ikineqartarput, tassuuna assut sullitanik immikkoortitsineq malunnarpoq, tassami nunaqarfimmiuuneq ersarittumik immikkoortitsiffiuvoq, ilisimasavummi malillugit aqqissuussineq tamanna allani atuutsinneqanngimmat

Assersuutit pingajuat: Pilersuisoq A/S Nunaqarfinni timmisartuaqqanik tikinneqartartuni sullissisuuvoq, timmisartukkut nassiussinermi nunaqarfimmioq ima sullinneqarpoq Nassiussassaq Pilersuisoq A/S-ip allaffianut nassarlugu akileriertorneqartarpoq, pappiliartai suliarineqariarlutik akilerseariarlugulu nassiussassaq inuttaanut utertinneqartarpoq , nammineq timmisartuaraq tikilerpat nassiukkiartussammagu, pingaartumik ukiup qanoq ilinera eqqarsaatigalugu eqquisarpoq, assersuutigalugu piniartup timmisartuaraq nassiussassaqaruni utaqqisariaqarpaa naak piniartariaqaralaruliluunniit, immaqa piniartut allat piniakkerigaluarpataluunniit utaqqisariaqartarami, tassa takusinnaavarput sullissinerup qanoq equngatinginera, aammalu nunaqarfimmiuuneq annertuumik tassani ersissinneqartarpoq akuerineqarsinnaananilu

Nunarsuarmi oliap akia qaffakkiartorpoq, tamanna nunatsinni malugisarpaput, tassami olianut akit ukiut arlariit iluini annertuumik qaffariarnikuupput

Tupinnangitsumik taamatut qaffaasoqartillugu sunniineq inuiaqatigiinnut tamanut assigiinnigitsutigut kalluaasarpoq, ilaatigut sarfamik atuineq eqqugaagajuttarpoq, tassami nukissiuutit nunaqarfinni pigineqartut oliamik ingerlasuummata

Taamatut nunarsuarmi Oliap akia qaffakkiartuinnassappat takorloorsinnaavarput sarfamut akiliutit malinnaajuarnissaat aamma nunaqarfinni, taamaattumik allamik eqqarsarnissaq pisariaqarpoq, nukissiuutit anorimit , imermik, seqinermillu pinngortut qissimigaanrnerulertariaqarpavut taamaasiornitsigut qularnangitsumik sarfaq akimigut patajaannerusoq qularnangitsumillu nunaqarfinnut naleqquttoq siunissami pingilerneqarsinnaagaluarpat, tamatumap malersortuarnissaa Kanunupe-mit pingaartutut isigaarput, tassami ullumikkut sarfamut akit eqqarsaatigissaganni ilkaatigut pingasoriaatipajaamik qaffasinnerusumik akiliuteqartaratta, erngup nukianik sarfaliuutilinninngaanniit

Tamaattumik Kanunupe-miit tamakku ulluinnarni suliffeqarfissuarnit sullinneqarnerput uani ataatsimeersuarnermi oqaluserineqarnissaat kissaatigisimavarput, isumaqaratta taamatut atugaqartitaanerput tamaannga killeqartariaqalersoq, aammalu pitsaannerusumik sullinneqarsinnaanissatsinnut siunniussa qarfiusumik ataatsimut oqallittariaqartugut, tassami ulluinnarni atukkat taamak allaanerutigisut inuiaqatigiit ataasiunitsinni akuersaaginnarsinnaajunnaaratsigit

Oqallilluarisi